

Oqaluuserisassat pillugit nassuiaat.

(Inatsisartut Siulittaasoqarfiat)

Inatsisinik ataatsimiititaliaq qinnuteqarpoq oqaluuserisassani immikkoortup 22, Suliassat meeqqanik kinguaassiuutitigut atornerluinermut tunngasut pisoqalisinnaannginnerannik qulakkerisumik Kalaallit Nunaanni pinerluttaalisitsinermut inatsisimmi § 21-p imaanik allanngortitsisinissaq siunertaralugu Inatsisinik Atortitsinermut ministeri siunnersuummik saqqummiuseqqullugu qinnuigineqarnissaa pillugu, Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerneqarnissaata kinguartinnissaanik. Immikkoortoq pineqartoq ulloq 10. maj aappassaaneerneqartussaagalarpoq. Maanna siunnersuutigineqarpoq immikkoortoq 22 ulloq 24. maj aappassaaneerneqassasoq.

aamma

immikkoortoq 16, Kommunini illuuteqarnermik ingerlatseqatigiiffiit pillugit Inatsisartut inatsisaat nr. x, xx-ip xx-anni 2011-imut siunnersuutip UKA 2012-mut kinguartinnissaanik. Immikkoortoq pineqartoq ulloq 10. maj aappassaaneerneqartussaagalarpoq.

Aalisarnermut, Piniarnermut Nunalerinermullu Ataatsimiititaliaq qinnuteqarpoq oqaluuserisassani immikkoortup 76-p, Nunaqarfinni tulaassuivinnilu tunisassiorfiusuni tunisassiorfiit uninngaannartut namminersortunngorsarneqarsinnaanerat Royal Greenland A/S-imut namminersorumasunut akiusut tunngavigalugit tuniniaanissaq iluaqutissartaqarnerisut Naalakkersuisut Royal Greenland A/S peqatigalugu misissuinissamik peqquneqarnissaat pillugu Inatsisartut aalajangiiffigisassaattut siunnersuutip aappassaaneerneqarnissaata kinguartinnissaanik. Immikkoortoq pineqartoq aappassaaneerneqartussaagalarpoq 9. maj. Maanna siunnersuutigineqarpoq immikkoortoq 76 ulloq 24. maj aappassaaneerneqassasoq.

Siunnersuuteqartoq qinnuteqarpoq oqaluuserisassani immikkoortup 90-p, Kingusinnerpaamik UKA2012-imi saqqummiunneqartussamik Aalisarnermik piniarnermillu inuussutissarsiutillit inuussutissarsiorterannik siursaaneq pillugu Inatsisartut peqqussutaat nr. 10, 20. november

2006-imeersumut allannguutissatut siunnersuummik Naalakkersuisut saqqummiussinissaanik Inatsisartuni aalajangiiffigisassatut siunnersuut, taamaalilluni taamaallaat umiatsiaaqqanut nutaanut Kalaallit Nunaanni sanaartorneqartunut tapiisoqarsinnaasalersillugu UKA 2012-mut kinguartinnissaanik. Immikkoortoq pineqartoq ulloq 8. maj siullermeerneqartussaagalarpoq ullorlu 30. maj aappassaaneerneqartussaagalarluni.

Siunnersuuteqartoq qinnuteqarpoq oqaluuserisassani immikkoortup 67-p, Maannakkut suliffimmut atatillugu inigisap ukiut arfineq-marluk najugarereerlugu tigusinnaanera allanngortillugu suliffimminut atatillugu ineqartup inimini ukiuni pingasuni najugaqareersimasup, inigisani naliginnaasumik attortittakkatut tigusinnaanngornissaanut UKA 2012-mi ininik attartorneq pillugu Inatsisartut Peqqussutaata nr. 2-p 12. Maj 2005 – meersup allanngortinneqarnissaa pillugu siunnersuummik allannguutissamik saqqummiussinissamut Naalakkersuisut peqquneqarnissaannik Inatsisartut aalajangiiffigisassaattut siunnersuutip UKA 2012 kinguartinnissaanik. Immikkoortoq pineqartoq ullumi siullermeerneqartussaagalarpoq ullorlu 30. maj aappassaaneerneqartussaagalarluni.

Sisamangornermi ulloq 10. maj ataatsimiinneq nal. 10.00 aallartissaaq nal. 12.00 tunngaanut ingerlariarluni ualikkut nal. 15.00-miit nal. 18.00-p tunngaanut ingerlaqqissalluni.

Ullumi ataatsimiinnermi Inatsisartunut ilaasortat Isak Hammond, Inuit Ataqtigiit aamma Kim Kielsen, Siumut taasisarnerit pillugit isumaqatigiissuteqarput.